

Qasigiannugit Aasiaallu akornanni erngup nukinganik nukissiorfiliornissamut misissuinerlut atatillugu nunaqarfiit qanigisaaniittut erngup nukinganik nukissiuutillu ataavartut allat atorlugit nukissiorfilernissaannik periarfissat misissoqqullugit peqquneqarnissaannik siunnersuut. Misissuinermit Igalikumi nukissiuutinik ataavartunik assigiinngitsunik atuinermit misileraanermit maanna ingerlasumit misilittakkat ilanngunneqassapput misissuinerullu inernera kingusinnerpaamik UKA2017-mi Inatsisartunut saqqummiunneqassalluni.

(Inatsisartunut ilaasorta q Ane Hansen, Inuit Ataqatigiit)

Akissuteqaat

(Inuussutissarsiordermut, Suliffeqarnermut, Niuernermit, Nukissiuuteqarnermut Nunanullu Allanut Naalakkersuisoq)

Aappassaanneerqarnera

Sanaartornermut Ataatsimiititaliaq siunnersuummik peqqissaartumik suliarinninneranut Naalakkersuisut qutsavigaat.

Naalakkersuisut naammagisimaartorujussuullugu maluginiarpaat, nunatta nukissiamik mingutsitsinngitsumik imminut pilersortunngortinnissaa pillugu Naalakkersuisut takorluugaqarnerat Ataatsimiititaliami isumaqatigineqartoq.

Aasiaat aamma Qasigiannugit eqqaanni erngup nukinganik nukissiorfiliornissamut periarfissanik aamma aningaasartuutissanik misissuineq aallartinneqareerpoq. Misissuinermit taakkunanga inerniliinerit ukiumi nutaami aatsaat naammassissasut naatsorsuutigineqarpoq.

Ingiatigisaanik nukissiamik ataavartumik pilersuinermit allatut ilusilinnik pilersitsinissamut periarfissat isiginiarneqarput, assersuutigalugu seqineq imaluunniit anori atorlugit. Kisiannilu seqernup anorillu imminut ataqatiginnerat qanoq issittumi atorneqarsinnaanersoq Igalikumi misissorneqarpoq. Suliniut siusinnerpaamik 2017-imi aasaanerani ingerlanneqartussaavoq. Taamaattumik UPA2017-imut nassuiaammi suliniummit misilittakkat ilaatinneqarnissaat ajornartussaalluni. Igalikumi suliniummit aammalu ataavartumik nukissiornermit suliniutinit allanit misilittagaalersussat, nukissiamik imminut pilersorsinnaanerulernissatsinnut aqutissiuissasut neriunarpoq.

Brintimik atuneq pillugu Ataatsimiititaliap eqqarsaateqarnera Naalakkersuisut maluginiarpaat. Nukissiamik toqqorsinnaanermit, assersuutigalugu brintinngorlugu, periarfissat Naalakkersuisut pingaarnersiuneranni ilaapput, kisianni maannakkorpiaq brintteknologi inerisarluagaanngilaq.

Naalackersuisut taaneqareersut pissutigalugit piareersaalluni suliaqarnerit pisariaqartut UPA2017-imut naamassinissaat angumerisinnaangimmassuk, allannguutissatut siunnersuut una saqqummiunneqarpoq:

”Aasiaat aamma Qasigiannugit eqqaanni erngup nukinganik nukissiorfiliornissamut periarfissanik misissuinnermut atatillugu, Qasigiannuganiinnaangitsoq aamma Aasianniinnaangitsoq, kisiannili aamma nunaqarfinni qanitaanniittuni, pilersuinnermi nukissioriaatsit ataavartut allat erngup nukinganut ataqatigiissinnissaannut periarfissat misissoqqullugit, Naalackersuisut peqquneqarnissaat pillugu Inatsisartut aalajangiiffisassaattut siunnersuut. Misissuinnermi Igalikumi nukissiuutinik ataavartunik assigiinngitsunik ataqatigiissitsilluni misileraanermit ingerlasumit ilisimasat nutaat ilaatinneqassapput, aammalu kingusinnerpaamik UKA2017-imut Inatsisartunut saqqummiunneqassallutik”

Naalackersuisut taamatut oqaaseqarlutik siunnersuut Inatsisartuni suliassanngortippaat aammalu inassutigalugu allannguutissatut siunnersuut akuerineqassasoq.